

1
256

DAKOTA
WIWICAWANGAPI KIN.

Dakota Catechism.

BY S. R. RIGGS, A. M.

MISSIONARY OF A. B. C. F. M.



PUBLISHED BY THE
AMERICAN TRACT SOCIETY,
150 Nassau-street, New York.

DAKOTA WIIWICAWANGAPI KIN.

DAKOTA CATECHISM.

BY S. R. RIGGS, A. M.

MISSIONARY OF A. B. C. F. M.



PUBLISHED BY THE
AMERICAN TRACT SOCIETY,
150 NASSAU-STREET, NEW YORK.

1882

11



No. 11. 26 Jan. 11

DAKOTA

WIWICAWANGAPI KIN.

ITANCAN TAWOCEKIYE KIN.

ATEUNYANPI Mahpiya ekta nanke cin : Ni-
caje kin wakandapi kte : Nitokiconze kin u
kte : Maka akan nitawacin econpi nunwe,
mahpiya kin ekta iyececa. Anpetu kin de
anpetu woyute unqu po. Qa oicazo unkita-
wapi kin unkicicajuju po, tona taku unkica-
zopi wicunkicicajupupi kin iyececa. Nakun
taku wawiyutanyan un kin en unkayapi šni
po, tuka taku šica etanhan eunhdaku po.
Wokiconze kin he niye nitawa, nakun wowa-
šake kin, qa wowitan kin, owihanke wanica.
Amen.

WICADAPI KIN.

Wakantanka Ateyapi Iyotan Waśaka, Mahpiya Maka kò kage cín he wicawada.

Nakun Cinhintku isnána icaga, Jesus Mes-siya Itancan unyanpi kin; he Woniya Wakan kin eciyatanhan icaga, qa Mary Witanśna un qon eciyatanhan tonpi; Pilate wicaśta itancan qon he ehan kakija, icipaweh okatanpi ecen țe șa hnakapi; wicañapi ekta wanka, tuka anpetu iyamni qehan wiconțe etanhan ihduekicetu; Mahpiya ekta kihde șa Wakan-tanka Ateyapi Iyotan Waśake cin etapa eciyatanhan kiyotanka, qa hetanhan tona ni unpi țapi koya wicayaco u kta, hecen wicawada.

Woniya Wakan kin he nakun wicawada, okodakiciye wakan qa wicaśta owotanna tanyan cantekiciyuzpi kin; nakun woah̄tani wicakicicajujupi; wicatancan kini kte șa owi-hanke wanin wiconi kin hena wicawada. Amen.

WOAHOPE WIKCEMNA KIN.

1. Mitokam Taku Wakan tokeca duhe kte śni.

2. Wakagapi kin takudan nićicage kte śni, taku wankan mahpiya kin ekta, qa taku kuya maka akan, qa taku maka kin ihukuya mini mahen iyacinpi takudan yakage kte śni; hena itokam canpeśka makehde inayajin kte śni qa ohoyada kte śni.

Jehowa Wakantanka nitawa kin he miye, Taku Wakan winawizi waun, ateyapi walitanipi kin hena cincapi kin en awicawai ece, wicoicage iyamni qa itopa hehanyan, tona śicemadapi kin; qa tona waśtemadapi qa mitawoahope yuhapi kin hena kektopawinge hehanyan onśiwicawakida ece.

3. Jehowa Wakantanka nitawa caje kin he ikcekceya caje date kte śni: tuwe ikcekceya cajeyate cinhan he śicaya econ Jehowa ecan-kin kta.

4. Anpetu okilhpapi kin he kiksuye a wakanda wo: Anpetu śakpe htayani qa nitohtani owasin ecanon kta; tuka anpetu isakowin kin he anpetu okilhpapi, Jehowa nita Wakantanka kin he tawa; he en wicohtani

takudan ecanon kte śni, niye, qa nicinkśi, nicunkśi, wicaśta nitaokiye, winyan nitaokiye, nitawoteca qa wicaśta tokeca nitatiyopa en un kin.

Anpetu śakpe en Jehowa malīpiya, maka qa miniwanca, qa taku ohnaka koya owasin kaga, unkan anpetu isakowin kin okilpa; heon Jehowa anpetu okilpapi kin hdawašte qa hduwakan.

5. Niyate nihun kici wicahduonihan wo: hecetu kinhan makoce Jehowa nita Wakan-tanka niču kin he en tehan yani kta ce.

6. Tuwedan yakte kte śni.

7. Wawicilahapi ecanon kte śni.

8. Wamayanon kte śni.

9. Nitakoda on takudan oitonśni daotanin kte śni.

10. Nitokoda ti kin cantiheyaye kte śni; nitakoda tawicu, wicaśta taokiye qa winyan taokiye, tatanka tawa, taśunke, qa taku nitakoda tawa kin takudan cantiheyaye kte śni.

WIWICAWANGAPI,

QA

WAAYUPTAPI.

1. Tuwe nicaga he.

Wakantanka Waśaka, Mahpiya ekta Ate-
unyanpi kin he makaga.

2. Tuwe openiciton he.

Jesus Messiya Itancan unyanpi kin he iye
waihduśna kin on opemakiton.

3. Niyuwakan kin he tuwe he.

Woniya Wakan kin mayuteca qa mayuwa-
kan kin hee.

4. Taku e on nicagapi he.

Wakantanka towitan kin heon, qa wiconi
owihanke wanica kin en owape kte cin heon
makagapi.

5. Hecen wiconi kin de en taku e iyotan ayakite
kta he.

Wakantanka tawacin kin ecen ecamon kta
qa nimiçiye kte cin hena iyotan awakite kta.

6. Wakantanka yani kta cin he.

Han.

7. Yani kta Wakantanka cin kin he token sdoniyaya he.

Wakantanka wacantkiye ça wicašta owasin nipi kta cin keya.

8. Wakantanka wacantkiye cin he tokiyatanhan hdutanin he.

Wakantanka iye cinhintku isnana icage cin, Jesus Messiya Itancan Wanikiya unki-tawapi kta e unqupi kin heon wacantkiye cin hdutanin ece.

9. Niye nitowaśake qa nitowašte kin on yani kta he.

Hiya—Wakantanka towašte Jesus Messiya en un kin hecedan on wani kta.

10. Hecen yani kta hecinhan taku e ecanon kta iyececa he.

Jesus Messiya wacinwaye kta, qa oie kin owecipe kta, hecen wani kta.

11. Token unnipi kte cin he wowapi tukte e en unkipazopi he.

Wowapi wakan kin he en token unnipi kte cin unkokiyakapi ece.

12. Wowapi wakan kin he tuwe kaga he.

Woniya Wakan kin he wicašta wokcan wicašta wakan ko Wakantanka oie kin owica-

kiyake ça hecen wowapi wakan kin kahwica-kiya.

13. Wowapi wakan kin he taku e onspeunki-yapi he.

Taku tona Wakantanka on wicaundapi kta, qa Wakantanka taku wicašta econ wicaši kin hena iyotan wowapi wakan kin onspeunki-yapi ece.

14. Wakantanka kin he taku he.

Wakantanka kin he Taku Wakan okalinih-picaśni, otokahe wanica, qa owihanke wanica, yutokecapica śni, iyotan ksapa, iyotan waśaka, owotanna, wašte, wacantkiye ça wicaka.

15. Wakantanka wanjidan he.

Han—Wakantanka wanjidan, ecedan ni un qa wicake hinca.

16. Tuka Wakantanka tona ihdawa he.

Wakantanka yamni ihdawa—Ateyapi kin, Cinhintkuyapi qa Woniya Wakan hena yamni, tuka Taku Wakan wanjidan.

17. Taku Wakan kin token ihdutanin he.

Ateyapi kin he Waicalıye kin hee; Cinhintku kin woahıtani on waihduśna, qa hecen Wanikiya unkitawapi kin hee; qa Woniya Wakan kin he wicašta wicayuteca kin hee.

18. Maka, mahpiya qa taku ohnaka kin tuwe kaga he.

Otokahe ekta Wakantanka mahpiya qa maka, taku ohnaka ko kaga ce.

19. Wakantanka maka qa mahpiya kin taku on kaga he.

Anpetu šakpe en Wakantanka, takudan etanhan šni, iye oie kin on, taku owasin kaga, unkan owasin wašte e wanhdaka.

20. Wakantanka taku kage cin hena ohinniyan awanhdaka he.

Han—Zitkadan qa walica icage cin hena ee kaeš Wakantanka awanhdaka ece; qa iyo-tan wicašta hiyeye cin owasin awanwicahdaka un.

21. Wakantanka wicašta wicakage cin token wicakaga he.

Maka kin etanhan tancan wicakaga, qa iye Taniya kin etanhan oniya wicaqu; hecen iye ouncage kin en owotanna qa wašte Wakantanka wicakaga.

22. Otokahe ekta Wakantanka wicašta tona wicakaga he.

Nom wicakaga, wica wanji qa winyan wanji, Adam qa Ewe ewicakiyapi, hecen otokahe ekta Wakantanka wicakaga.

23. Otokahe ekta Wakantanka henana wicakaga he.

Hiya—nakun mahpiya ohnihde kin hena wicakaga; hena tanton šni unpi, ohinniyan Taku Wakan ite kin wanyakapi kta qa ohodapi kta e Wakantanka wicakaga.

24. Unkan hena owasin hecetuwanjica waštepi he.

Hiya—apa ihdušicapi, qa hecen mahpiya kin etanhan kun ehpicayapi; Wakanšica qa taokiyewicaye cin hena eepi.

25. Wakantanka hunkakewicunyanpi tokaheya wašte wicakage cin hena ohinniyan hecen unpi he.

Hiya—hunkakewicunyanpi tokaheya kin Wakantanka kin en wahtanipi, qa hecen ihdušicapi.

26. Hena wahtanipi kin tukte e he.

Wakantanka anagoptanpi šni kin woahitani econpi qon hee.

27. Wakantanka taku econ wicaši qon tukte e he.

Can wan wojupi kin cokaya he cin, on taku wašte taku šica ko sdonyapi kte cin, waskuyeca etanhan Wakantanka yute šni wicaši, tuka etanhan yutapi qa hecen ihdušicapi.

28. Unkan tuwe e hunkake wicunyanpi tokaheya kin wahtaniwicaya he.

Wakanšica wamduška içicage ça ie cin on wicahnaye ça hecen wahtaniwicaya.

29. Wakansíca eyapi kin he tuwe he.

Maḥpiya ohnihde ihdušicapi qon itancan kin hee.

30. Wicašta tokaheya waḥtanipi kin on hetanhan itokecapi he.

He etanhan tancan ṭapi kta, Wakantanka touncage wicaqu qon he hdušicapi, qa owi-hanke wanin wiconṭe wokakije ko içicagapi.

31. Unkan isnana ihdušicapi he.

Hiya—wicašta wanjidan eciyatanhan woa-ḥtani icaga, qa woaḥtani etanhan wiconṭe, qa hecen wiconṭe wicašta owasin wicahiyahde, owasin waḥtanipi nakaes.

32. Woaḥtani eyapi kin he taku he.

Wakantanka toope kin acakšinpi qa ohna econpi šni kin owasin hena woaḥtani.

33. Tokiyatanhan woaḥtani sdonyayapi he.

Eya cante eciyatanhan unkiyukeanpi, tuka iyotan Wakantanka oie kin eciyatanhan tukte e woaḥtani kin sdonunyanpi ece.

34. Waunḥtanipi kin on taku e iyahdeunkiçiyapi he.

Wakantanka tocanniye owotanna, woka-kije qa wiconṭe owi-hanke wanica hena wa-unḥtanipi kin on iyahdeunkiçiyapi ece.

35. Tokeca e Wakantanka wahtanipi sa šitkihda-wicaya he.

Wakantanka wašte qa owotanna kin heon hecon kta iyececa.

36. Unkan Wakantanka woahitani wiconte ko en wicašta ehpewicaya he.

Hiya—Wakantanka ake wiconi wicakicaga.

37. Wiconi wicakicagapi eyapi kin he token kapi he.

Woahitani wiconte ko etanhan ewicahdakupi, qa ake wicašta Wakantanka iyececap, qa kici ounyanpi kin he wiconi wicakicagapi kin hee.

38. Unkan tuwe e on Wakantanka wicašta wiconi wicakicaga he.

Jesus Messiya iye Cinhintku isnana icage cin heceedan on Wakantanka wicašta wiconi wicakicaga.

39. Hecen wicašta owasin nipi kta he.

Hiya—tona wahtanipi kin on iyopeiciyapi qa Jesus Messiya wacinyanpi kin henana nipi kta.

40. Jesus Messiya eyapi kin he token kapi he.

Wanikiya sdayapi kin he kapi. Waunhitanipi kin etanhan eunhdakupi kta e on Woni-

ya Wakan kin Wicaštayatapi, Wawayuśna qa Wokcan ko kaga, heon Wakantanka Cinhintku tuka wicašta içicage çehan hecen eciyapi.

41. Hecen Jesus Messiya on token wicayada he.

Jesus Messiya kin he Wakantanka-wicašta kin heca; qa is awicakehan Wakantanka qa nakun awicakehan wicašta kin he wicawada:

42. Tokeca e Jesus Messiya Wakantanka Cinhintku kin wicašta içicage kta iyececa he.

Eya Wakantanka qa wicašta kici iyotahe-
dan un kta, qa wookiye wicakicage kta e
heon awicakehan wicašta içicage kta iyececa.

43. Messiya Wakantanka Cinhintku kin token wicašta içicaga he.

Messiya Wakantanka Cinhintku kin awicakehan wicatančan qa wicanagi wicake cinicu, qa hecen wicašta içicaga; Woniya Wakan towaśake kin on kagapi, qa Mary Witanśna un qon eciyatanhan tonpi, tuka woahțani codan.

44. Jesus Messiya Wanikiya unkitawapi kin wicoľan tona yuha he.

Jesus Messiya Wanikiya unkitawapi kin he Wokcanpi wicoľan, Wawayuśna wicoľan qa Wicaštayatapi wicoľan tawapi kin hena

ecaunkiconpi ece, iye ihduhukuya qa ihduwankantu kin ekta. ²

45. Jesus Messiya Wokecanpi wicohan kin token econ he.

Unnipi kta e on, iye oie qa Taniya kin eciyatanhan, Wakantanka tawacin kin sdonye-unkiyapi kin heon Jesus Messiya Wokecanpi wicohan kin econ ece.

46. Jesus Messiya Wawayusna wicohan tawa kin token econ he.

Taku Wakan toowotanna iyokipi kta e on wancadan waihdušna kin he on, qa Wakan-tanka kici okiciciye unyanpi, qa ohinniyan wocekiye unkekiciyapi kin heon Jesus Messiya Wawayusna ohan kin econ ece.

47. Jesus Messiya Wicaštayatapi wicohan tawa kin token econ he.

Iye ekta ihdoye unkiyapi, ohinniyan awan-unhdakapi, qa iye tona tokawicaye cin, qa unkiye tona tokawicunyanpi kin owasin ohiwicaye kte cin, on Jesus Messiya Wicaštayatapi wicohan tawa kin econ ece.

48. Jesus Messiya ihduhukuya eyapi kin he token kapi he.

He Wakantanka ouncage kin en un, qa Wakantanka kici akiyecen yanka keiçiye cin

he wawicakipi śni kecin; tuka ihduśdoke qa wowidake un kin ouncage kin icu, qa wicaśta kin iyecen ihdus icaga; qa wicaśta ouncage kin en un qehan ihduhukuya, qa wiconṭe ekta aiyahdeya wanaḥon yanka, can susbeca en ṭe cin he ehan.

49. Jesus tukten tonpi he.

Juda makoce, Bethlehem otonwe kin en tatanka tipi wan ohna Jesus tonpi.

50. Tokeca e Jesus wowahpanica en tonpi he.

Jesus Messiya Itancan unkiyapi towašte kin he sdonyayapi, watonka tuka niyepi kin on wahpaniiciya, hecen iye wahpanica kin on winijicapi kta ce.

51. Jesus tonpi qehan mahpiya ohnihde kin hena taku tokonpi he.

Hena wiyuśkinpi, qa, Iyotan Wakantanka wowitan yuha nunwe, maka akan wookiye qa wicaśta kin en wicokiciyuwašte kta ce, eyaya dowanpi.

52. Jesus maka akan ni un qehan token ohianyan he.

Jesus ohinniyan taku wašte ece econ; yazankapi kin asniwicaya, wicaśta ṭapi kin wanjikśi kiniwicaya, qa owancaya wotanin wašte kin oyaka ece.

53. Jesus token ʔa he.

Wicaʔta ʕica Jesus yuzapi, ʕicaya kuwapi ʔa can susbeca en okatanpi, ʔa ecen ktepi.

54. Jesus Messiya ihduwankantu eyapi kin he token kapi he.

Anpetu ʕiciyamni qehan Jesus ʔe cin etanhan kini, ʔa mahpiya ekta kihde ʔa Wakan-tanka etapa kin en kiyotanka; ʔa anpetu ihankeya kin en wowitan hduha hi kta.

55. Jesus Messiya ʕicinonpa hi kinhan taku on hi kta he.

Anpetu ihankeya kin en Jesus hi kinhan, wicaʔta ʔapi kin owasin kiniwicakiye kta, tona waʕte kin hena iye ti kin ekta ewicahdaku ʔa wiconi owihanke wanica wicaqu kta, ʔa tona ʕice cin hena wicayaco ʔa owihanke wanin wiconʔe en kakiʕwicaye kta e heon hi kta.

56. Jesus Messiya olan ʔa ʔe cin hena niunyanpi kta tanyan okihi he.

Han, he hecetu, tuka Woniya Wakan kin he atayedan iye en unkaupi kta iyececa.

57. Unkan Woniya Wakan kin he token hecon he.

Jesus Messiya token ohanyan ʔa token canteunkiyuzapi kin he Woniya Wakan kin onspeunkiyapi, ʔa awicakehan unkcipi kin

on, unkiye wacinunyanpi kin eciyatanhan en ikoyagunyanpi ece.

58. Awicakehan unkiyopi kin he taku he.

Awicakehan unkiyopi kin he Wakantanka Taniya tohan kin hee, waunhtanipi qa iyo-tanhan iyeunkiyapi ece kin he sdoneunki-yapi, Jesus Messiya kin tanyan unkokiya-kapi, qa tawacin unyutecapi, hecen Jesus Messiya wotanin wašte kin en iyunwin codan unqupi kin he yuhe unkiyapi ece.

59. Tona Wakantanka awicakehan wicakico kin hena token wicakuwa he.

Wakantanka tona awicakehan wicakico kin hena wicayaowotanna, cinca wicakaga, qa wicayuwakan ece.

60. Wicayaowotanna eyapi kin he taku he.

Wicayaowotanna kin he Wakantanka iye towašte eciyatanhan econ ece, on waunhtanipi kin owasin unkicicajujupi qa owotanna unyawapi, Jesus Messiya toowotanna wacin-unyanpi kin eciyatanhan.

61. Cinca wicakaga eyapi kin he token kapi he.

Cinca wicakagapi kin he Wakantanka iye towašte eciyatanhan econ ece, he on iye wicowazi tawa kin en opeya unyawapi qa Wa-

kantanka cinca taku tawapi kin hena owasin unhapi ece.

62. Wicayuwakan eyapi kin he token kapi he.

Wicayuwakanpi kin he Wakantanka towašte ohanye cin hee, he on wicašta ocowasin Wakantanka touncage kin en teca unkagapi, qa hecen anpetu otoiyohi sanpa woahłtani ekta unłapi ešta woowotanna kin ekta sanpa un-nipi ece.

63. Unkan tona Jesus Messiya wacinyanpi kin hena Wakantanka hecen ecawicakicon kta sdonyapi he.

Han—kaken eya, Tona wicakiconze ciqon hena wicakico, qa tona wicakico kin hena wicayaowotanna, qa tona wicayaowotanna kin hena wicayutan ece.

64. Tona Wakantanka wicayaowotanna qa cinca wicayawa-qa wicayuwakan kin hena wiconi kin de en taku wašte yuhapi kin tukte e he.

Hena Wakantanka waštewicadaka e sdonkiyapi, ohinniyan cante waštewa unpi, Woniya Wakan kin on wiyuśkinpi, wowašte en icagapi ece, qa owihanke wanin hecen ayapi kta.

65. Woniya Wakan kin tukten ounyan qa ohanyan ece he.

Woniya Wakan kin he Jesus Messiya ta-

okodakiciye kin en ounyan qa nakun en oħan-
yan ece.

66. Jesus Messiya taokodakiciye kin he taku he.

Wicašta qa winohinca tona Wakantanka
oie wicadapi qa Jesus Messiya wacinyanpi
qa wicoħan wašte ece econpi kta cinpi hena
witayapi kin he okodakiciye kin hee.

67. Unkan hena owasin maka akan unpi he.

Hiya, apa wanna tapi qa mahpiya kin ekta
ipi, qa apa hinaħin maka aškanškan unpi, qa
apa hinaħin icagapi šni.

68. Jesus Messiya taokodakiciye maka akan unpi
kin wicoħan tawapi kin tukte e he.

Wakantanka oie kin oyakapi kta, qa wi-
cašta owasin en opewicakiyapi kta, qa ma-
ħpiya kin ekta unpi kta iyececa wicakagapi
kta, wicoħan tawapi kin hee.

69. Woniya Wakan kin okodakiciye kin en oħan-
yan ece kin he taku on econ he.

Wowaste wicoħan kin hena on econ ece.

70. Wowaste wicoħan kin tona ee he.

Wakantanka oie qa wohduze kin hena ee.

71. Wakantanka oie kin tukte e he.

Wowapi Wakan kin en taku Wakantanka
unkokiyakapi kin hee, he wotanin wašte eci-
yapi.

72. Tuwe e wotanin wašte kin eyanpaha unšipi he.

Jesus Messiya. Maka kin owancaya ya po, qa wicašta otoiyo hi wotanin wašte kin owicakiyaka po; tuwe wicada qa baptem qupi kinhan he ni kta; qa tuwe wicada šni kinhan he yacopi kta ce, eya.

73. Jesus Messiya wohduze tona unqupi he.

Nonpa.

74. Hena tukte e he.

Baptem wicaqupi qa htayetu wotapi Itancan tawa kin hena eepi.

75. Baptem wicaqupi kin he tuwe kaga he.

Jesus Messiya he kaga; oyate kin owasin waonspewicakiya po, qa Ateyapi, Cinhintkuyapi qa Woniya Wakan kin caje on baptem wicaqu po, eye ciqon he ehan.

76. Baptem wicaqupi eca taku e unpi he.

Mini; qa he ocowasin unšapapi qa unyuja-japi kta iyececa, qa nakun Wakantanka Taniya kin on unyutecapi kte cin he kapi ece.

77. Htanyetu wotapi Itancan tawa eyapi kin he tuwe kaga he.

Jesus Messiya wanna te kta hehan wicota-kuye kin de kaga.

78. He kage çehan token oie kiton he.

Hanyetu wan en wiyopeyapi qon he ehan

Jesus Itarcan kin aguyapi icu; qa wanna yawašte qehan kiyuśpa qa heya; Icupi qa yuta po; mitancan kin he dee, niyepi on kiyuśpapi; de miksuya econ po.

Nakun he iyecen wiyatke kin icu, qa wanna yatkan qehan heya; Owasin etanhan yatkan po. Wiyatke kin de mawe kin en wicotakuye teca kin hee, wicota wahtanipi kajujupi kta e heon paponpi kin. Decen econ po, tohan datkanpi eca miksuya econ po.

79. Wotapi kin de en aguyapi qa miniśa unpi kin hena taku kapi he.

Jesus Wakantanka Cinhintku tancan qa we kin hena kapi.

80. Tona awicakehan wohduze kin de en opapi kinhan hena token hdutaninpi he.

Jesus Wakantanka Cinhintku ȝe cin he wicadapi qa iye wacinyanpi kin on nipi kta kecinpi kin hecen hdutaninpi ece.

81. Tona owotanna en opapi kin hena taku on icupi ece he.

Tona wohduze kin de en owotanna opapi kin hena Jesus Messiya wacinyanpi kin on mahipiya aguyapi kin yutapi, qa wiconi mini kin yatkanpi ece, qa hecen owihanke wanin wiconi kin ekta icagapi ece.

82. Wohduze kin de owotanna opapi kin tona eepi he.

Tona wohduze kin de owotanna opapi kta cinpi kinhan, itokam ihdukcanpi kta, woalhtani econpi kin on iyopeiciyapi, Jesus piya hin wacinyanpi qa anagoptanpi hecinhan sdonkiyapi kta, qa hecen opapi kta.

83. Tona ecinšniyan opapi kin hena taku e icupi he.

Hena woyaco hdutapi qa hdatkanpi ece; Itancan tancan kin iyukcanpi šni nakaeš.

84. Wocekiye eyapi kin he taku he.

Taku unqupi kta iyokipi kin hena Jesus Messiya caje on Wakantanka kidapi, woalhtani ohdakapi, qa taku wašte econ kin on wopida eciyapi kin he wocekiye ee.

85. Tukte en wocekiye eyapi kin onspeunkiyapi he.

Eya Wakantanka oie kin ocowasin wocekiye token unkeyapi kta e onspeunkiyapi ece, tuka Jesus Messiya waonspewicakiye cin wocekiye owicakiyake ciqon he iyotan, Itancan tawocekiye eciyapi kin hee.

86. Taku on ceunkiyapi ece e kta he.

Taku uncinpi kin hena Wakantanka unkidapi ece e kta iyececa. Tuka tona Wakantanka tehinda kin hena unkidapi kte šni.

87. Tohanhan ceunkiyapi ece e kta he.

Eya tohantu kašta uncinpi kinhan ceunkiyapi kta iyececa; tuka iyotan wauntapi kta eca, qa hanhanna litayetu koya okašna šni ceunkiyapi kta.

88. Wocekiye unkeyapi kin owasin Wakantanka nahon he.

Han, Wakantanka owancaya un qa taku owasin sdonya, hecen tona awicakehan cante eciyatanhan cekiyapi kin owasin nahon ece, qa awicayupte kta.

89. Itancan tawocekiye kin tukte e he.

Ateunyanpi Mahpiya ekta nanke cin: Nicaje kin wakandapi kte: Nitokiconze kin u kta: Maka akan nitawacin econpi nunwe, mahpiya kin ekta iyececa.

Anpetu kin de anpetu woyute unqu po. Qa oicazo unkitawapi kin unkicicajuju po, tona taku unkickazopi wicunkicicajujupi kin iyececa.

Nakun taku wawiyutanyan un kin en un-kayapi šni po, tuka taku šice cin etanhan eunhdaku po.

Wokiconze kin he niye nitawa, nakun wo-wašake kin, qa wowitan kin, owihanke wani-ca. Amen.

80. Tokeca "Ateunyanpi" unkeyapi he.

Wakantanka iye Cinhintku kin eciyatanhan cinca unyanpi kta keya, qa hoksiyopa iyecen en unkupi kta iyececa, heon Ateunyanpi unkeyapi ece.

91. Tokeca "Mahpiya ekta nanke cin" unkeyapi he.

Eya Wakantanka owancaya un, tuka mahpiya kin ekta wowitan owihanke wanica en ti hinca, qa heciya unkiś eya unyakonpi kta uncinpi, hecen ekta cante yeunyanpi ece e kta iyececa.

92. Itancan tawocekiye kin en taku tokaheya unkidapi kin tukte e he.

"Nicaje kin wakandapi nunwe."

93. He token kapi he.

Unkiye qa wicaśta owasin Wakantanka caje kin sdonunyanpi kta qa tanyan ohoundapi kta e onspeunkiyapi kta, he iceunkiyapi ece.

94. Taku inonpa unkidapi kin tukte e he.

"Nitokiconze kin u kte."

95. He token kapi he.

Maka kin owancaya Wakantanka oie kin ye kta, qa oyate owasin iye ekta ihduhomni

kta, qa hecen Jesus isnana maka akan Itan-can kta e he iceunkiyapi ece.

96. Taku iyamni unkidapi kin tukte e he.

“Maka akan nitawacin econpi nunwe, mahpiya kin ekta econpi kin iyececa.”

97. He token kapi he.

Mahpiya kin ekta oyate kin owasin Wakantanka tawacin kin ecen econpi ece; owasin owotanna qa wastepi: unkan he iyecen maka akan oyate kin owasin econpi kta e he iceunkiyapi ece.

98. Taku itopa unkidapi kin tukte e he.

“Anpetu kin de anpetu woyute unqu po.”

99. He token kapi he.

Eya taku tona untancanpi kin on uncinpi kin hena owasin tohan iyehantu kinhan Wakantanka unqupi kta e iceunkiyapi ece.

100. Taku izaptan unkidapi kin tukte e he.

“Waunhtanipi kin hena unkicicajuju miye, tona unkicazopi kin wicunkicicajujupi kin he iyececa.”

101. He token kapi he.

Jesus Messiya Wanikiya unkitawapi we kin on waunhtanipi kin owasin unkipakintapi kta e iceunkiyapi ece.

102. Tokeca e “Tona unkicazopi kin wicunkicicajujupi kin he iyececa,” unkeyapi he.

Wicašta tokeca waunkicilitanipi kin hena wicunkicicajujupi šni kinhan, nakun Wakantanka unkicicajujupi kte šni e he sdonunkiyapi kta, heon etanhan.

103. Taku isakpe unkidapi kin tukte e he.

“Taku wawiyutanyan un kin en unkayapi šni po, tuka taku šice cin etanhan eunhdaku po.”

104. He token kapi he.

Wakantanka ohinniyan woalıtani econkupi šni unyuhapi kta, qa taku šica ocaje owasin icunonpa unkayapi kta e he iceunkiyapi ece.

105. Itancan towocekiye owihanke kin he tukte e he.

“Wokiconze kin he niye nitawa, qa wowaśake kin, qa wowitan kin, owihanke wanica.”

106. Unkan he token kapi he.

Taku wašte owasin Wakantanka tawa, qa hena unqupi kta okihi, heon ohinniyan unyatanpi kta iyececa.

107. Hehan tokeca “Amen” unkeyapi he.

Wocekiye unkeyapi kin ecetu kta uncinpi kin heon etanhan “Amen,” hecetu nunwe, unkeyapi ece.

108. Wakantanka taku e econ unšipi he.

Iye tawacin kin ecen econkupi kta e he econ unšipi ece.

109. Wakantanka tawacin kin otokahe ekta unqupi kin tukte e he.

Woahope Wikcemna kin.

110. Woahope wikcemna yuptahnag unkokiyakapi kin tukte e he.

Jehowa Wakantanka unkitawapi kin he, uncantepi ocowasin on, unnagipi ocowasin on, wowašake unkitawapi ocowasin on, qa unkitawacinpi ocowasin on wašteunkidapi kta; qa wicašta tokeca unkiye iihdacin wašte wicunkidapi kta, he woahope yuptahnakapi kin hee.

111. Woahope tokaheya kin tukte e he.

“Mitokam Taku Wakan tokeca duhe kte šni ce.”

112. Woahope tokaheya kin en Wakantanka taku tehinda he.

Taku tokeca wakandapi qa cekiyapi kin he tehinda ece.

113. Woahope tokaheya kin en Wakantanka taku econ unšipi he.

Iye išnana wakanundapi kta, wašteunda-

kapi, wacinunyanpi qa ohinniyan anaungo-
ptanpi kta, hecen Wakantanka econ unšipi.

114. Woahope inonpa kin tukte e he.

“Wakagapi kin takudan ničicage kte šni,
taku wankan mahpiya kin ekta, qa taku kuya
maka akan, qa taku maka kin ihukuya mini
mahen iyacinpi takudan yakage kte šni; hena
itokam canpeška makehde inayajin kte šni qa
ohoyada kte šni.

Jehowa Wakantanka nitawa kin he miye,
Taku Wakan winawizi waun, ateyapi walita-
nipi kin hena cincapi kin en awicawai ece,
wicoicage iyamni qa itopa hehanyan, tona
šicemadapi kin; qa tona waštemadapi qa mi-
tawoahope yuhapi kin hena kektopawinge
hehanyan onšiwicawakida ece.”

115. Woahope inonpa kin en Wakantanka taku
tehinda he.

Wakantanka taku iyacinpi, qa wakagapi
ohodapi qa taku tokeca wakandapi kin hena
tehinda ece.

116. Woahope inonpa kin en Wakantanka taku
econ unšipi he.

Wakantanka isnana Wakan linca, hecen
awicakehan cante eciyatanhan ohoundapi kta
e he econ unšipi ece.

117. Tokeca hecen econ unšipi he.

Iye Taku Wakan winawizi, qa taku tokeca wakanundapi kin he šicedaka ece, qa tona ohodapi šni kin hena tehiya unpi kta, keya.

118. Woahope iyamni kin tukte e he.

“Jehowa Wakantanka nitawa caje kin he ikcekceya caje date kte šni: tuwe ikcekceya cajeyate cinhan he šicaya econ Jehowa ecan-kin kta.”

119. Woahope iyamni kin en Wakantanka taku tehinda he.

Wakantanka taku on ihdutanin kin hena ikcekceya qa ihahaya cajeyatapi, Taku Wakan namahon ce eyapi, qa iapi šica owasin hena tehinda ece.

120. Woahope iyamni kin en Wakantanka taku e econ unšipi he.

Wakantanka caje kin owasin, qa taku on ihdutanin kin, oie qa ohan kin, qa wohduze tawa kin hena owasin yaonihanyan cajeunyatapi ece e kta.

121. Woahope itopa kin tukte e he.

“Anpetu okihpapi kin he kiksuye a wakanda wo: Anpetu šakpe litayani qa nitohitani owasin ecanon kta; tuka anpetu išakowin kin he anpetu okihpapi Jehowa nita Wakantanka

kin he tawa; he en wicohtani takudan ecanon kte sni, niye, qa nicinksi, nicunksi, wicašta nitaokiye, winyan nitaokiye, nitawoteca qa wicašta tokeca nitatiyopa en un kin.

Anpetu šakpe en Jehowa mahpiya, maka qa miniwanca, qa taku ohnaka koya owasin kaga, unkan anpetu isakowin kin okilpa; heon Jehowa anpetu okilpapi kin hdawašte qa hduwakan."

122. Woahope itopa kin en Wakantanka taku tehinda he.

Anpetu wakan kin en wicohtani, wicohni-hde qa wicoškate econpi, qa taku ikcekceya awacinpi qa iapi kin hena tehinda ece.

123. Woahope itopa kin he taku econ unšipi he.

Anpetu šakpe unmnihēcapi kta, qa anpetu šakowin kin en anpetu wanjidan unkokiłpapi kta, qa wakan undapi kta e hecen econ unšipi.

124. Anpetu šakowin kin wanji tukte e anpetu okilpapi ee kta he.

Maka kagapi kin ehantanhan, Jesus wi-conte etanhan ihduekicetu kin hehanyan, anpetu isakowin kin he Wakantanka wakan kaga, qa hetanhan maka owihanke kta hehanyan, anpetu tokaheya kin he anpetu wakan unhapi kta.

125. Tokeca anpetu tokaheya kin anpetu okilhpapi kagapi he.

Jesus ihduekicetu qon he unkiksuyapi kte cin heon, qa hecen he Itancan Taanpetu kin eciyapi ece.

126. Anpetu wakan kin he token wakanundapi kta iyececa he.

Anpetu kin he wakanyan unkokilhpapi kta; anpetu šakpe taku econkupi ece kin hena unkayuštanpi kta, qa Jesus tomniciye kin en unyanpi kta, wowapi wakan unyawapi qa wocekiye unkeyapi kta, qa wowaonšida wicohan nakun econkupi kta.

127. Woahope izaptan kin tukte e he.

“Niyate nihun kici wicahduonihan wo: hecetu kinhan makece Jehowa nita Wakan-tanka niču kin he en tehan yani kta ce.”

128. Woahope izaptan kin en Wakantanka taku tehinda he.

Wicahunkake anawicagoptanpi šni, taku šica ewicakiyapi qa šicaya wicayuhapi kin henakeca owasin tehinda ece.

129. Woahope izaptan kin taku e econ unšipi he.

Hunkakewicunyanpi qa tona waonspeunki-yapi kin hena owasin tanyan anawicunkigoptanpi kta, waštewicundakapi qa wicunhduonihanpi ece kta.

130. Heconkupi kinhan taku e Wakantanka iwa-hounyanpi he.

Makoce unqupi kta, qa nakun wiconi han-ska unqupi kta, keya.

131. Woahope isakpe kin tukte e he.

“Tuwedan yakte kte sni ce.”

132. Woahope isakpe kin en Wakantanka taku te-hinda he.

Tuwe kašta śicedakapi qa ktepi kin he tehinda ece.

133. Tuwe e wicašta kte kta iyececa he.

Wicaštayatapi, wicašta itancan, qa wicašta wayaco kin hena wicašta oħan śica kinhan on owotanna yacopi qa ketepi kta iyececa.

134. Tokeca e wicašta ikceya wicaktepi kte sni he.

Wakantanka iye ouncage kin en wicašta wicakaga, qa owasin hunkawanjinkiciyapi ece, heon ikceya tuwedan ktepi kte sni.

135. Woahope isakpe kin taku e econ unśipi he.

Wicašta tokeca owasin nipi qa tanyan unpi kta e unkakitapi ece e kta.

136. Woahope isakowin kin tukte e he.

“Wawiciliaħapi ecanon kte sni ce.”

137. Woahope isakowin kin en Wakantanka taku tehinda he.

Winohinca tokeca akitapi, wiinaħmanpi, qa

wowištece wicoie wicotawacin ko owasin tehinda ece.

138. Woahope isakowin kin he taku econ unšipi he.

Untancanpi unnagipi ko ihdušape šni unyakonpi kta, hecen Woniya Wakan kin unkotipi kta iyeuncecapi kta.

139. Wakankiciyuzapi eyapi kin he taku he.

Wicašta wanjidan qa winohinca wanjidan waštekidakapi qa kiciyuzapi kin hee; hetanhan ohinniyan elpekiciye šni unpi kta qa tuwedan tokeca en yapi kte šni.

140. Tokeca Wakantanka wakankiciyuzapi kin kaga he.

Wicašta qa winohinca owasin ihdušape šni unpi kta, qa wicoicage wašte qa owotanna yuke kta cin kin heon etanhan.

141. Woahope isahdogan kin tukte e he.

“Wamayanon kte šni.”

142. Woahope isahdogan kin en Wakantanka taku tehinda he.

Wawicakipi, wamanonpi, wicahnayanpi, qa taku tokan tawapi kin ihangyapi qa kiuniyanpi kin hena owasin tehinda ece.

143. Woahope isahdogan kin he taku e econ unšipi he.

Ohinniyan wicohtani qa wicohan wašte

econkupi kta, qa wicašta tokeca taku tawa kin wicunkicipatanpi ece e kta.

144. Woahope inapcinwanka kin tukte e he.

“Nitakoda on takudan oitonšni daotanin kte šni.”

145. Woahope inapcinwanka kin en Wakantanka taku tehinda he.

Itonpišni owasin, waaiapi, qa ecinšniyan wiyukcanpi kin owasin tehinda ece.

146. Woahope inapcinwanka kin he taku e econ unšipi he.

Ohinniyan wowicake ecedan ohna unke-yapi qa econkupi kta, qa iyotan wicašta tokeca caje waštepi kin unpatanpi ece e ekta.

147. Woahope iwikcemna kin tukte e he.

“Nitakoda ti kin cantiheyaye kte šni; nitakoda tawicu, wicašta taokiye, winyan taokiye, tatanka tawa, tašunke, qa taku nitakoda tawa kin takudan cantiheyaye kte šni.”

148. Woahope iwikcemna kin he en Wakantanka taku tehinda he.

Wakonpi qa taku tokan tawapi cantiheyapi, qa winawizipi owasin tehinda ece.

149. Woahope iwikcemna kin he taku e econ unšipi he.

Unkiye unkihdacinpi kin iyecen wicašta

tokeca owasin tanyan cante en wicunki-yu-zapi kta.

150. Woahope kin dena owasin niye cinka oyakihi kta he.

Hiya—Wakantanka towaonsida kin on, qa Woniya Wakan towasake kin hecedan on owakihi kta ce.

151. Tuwe ecedan owotanna qa washte kin ekta ohinniyan etonwan unyakonpi kta iyececa he.

Jesus wacinunyanpi tokaheya kage ca yustan kte cin he ekta euntonwanpi ece e kta.

152. Tohanyan maka akan ni yaun qa niye kte cin en taku iyotan on cante niwashte kta he.

Jesus he mitawa qa iye tawamayan—mitancan, minagi, wani qa mate kte cin en, nakaha qa owihanke wanica, he wowašte iyotan wadaka ece. Amen.

Jesus Messiya Itancan unyanpi towaonsida, qa Wakantanka Mahpiya ekta Ateunyanpi kin towaštedake, qa Woniya Wakan wicakicanpta ece kin hena unkicipi un nune.

SHINING SHORE.

Mitaanpetu askadan,
Qa mis icimawani;
Heon inawahni waun:
Wokokipe wacanmi.
Iho, Jordan en nawajin;
Apa akasam yapi;
Qa en ako maka waste
Kitan wanunyakapi.

Koda waste, koyag un po,
Wankan euntonwanpi;
Itancan kin awacin po,
Hecen wahounyanpi.
Iho, Jordan en nawajin;
Apa akasam yapi;
Qa en ako maka waste
Kitan wanunyakapi.

Tokata en osica sta,
Dowanwan unyakonpi;
Wicoozi waste hinca
Hen ohinni unhapi.
Iho, Jordan en nawajin;
Apa akasam yapi;
Qa en ako maka waste
Kitan wanunyakapi.